

جاله هاتف بو علي في مسيره بي مصيره من ملك ربه
اوقف الظعن و نظر للهواشـم دمعـه ساجم منخطف قلبه

مرت اعيونه بحزنها تربى عالقيلة ودارت ابباله المشاهد و محتته الثجيلة
نسوته شحالتها تصبح من بعد رحيله ومال بالعين العياله والدمع يهيله

جمّع انصاره بخبر طارش الموت واعتلى الصوت ننفني لجلك
لن علي الاكبر هتف فدوة مولاي دونك ادماي وخل علي حملك

بس اسألك يا أبويه مو على الحق احنا جاوبه بيني أكيداً نفتديله دمننا
صاح الاكبر ما يهمننا في حفظ قيمنا لو علينا الحتف يوقع لو عليه وقعنا

خيّم احسين بأرض طفه وبدت انصاره تتصفي ذبايح عالثره كلمن فدا احسينه
الاكبر ابعره رفض ذله يطالب منه يسمح له يميل اعلى العدا و يناصر الدينه

رخصة اعطاه الابو واتجهز الصميدع
لكن اسمح اوصفه لجلك قبل لا يطلع

كنه مرأة النبي بخلقه عزم مثل الوصي تلقى وكرم عمه الحسن منهم اخذ صوره
ضمه الحسين بوسط صدره وقع وي ابنه عالغيره واجا السجاد و عمته بدمعة مهموره

من بعد ما ودعه ويمم ابجواده
بيده سيفه ونيته بجيش العدا الابداه

بو الحسن كنية علي الاكبر مثل جده اجا تبختر نفخ كنه اقلب اعداءه ابصوره

شد الثامه و شد باسه لاح بسيفه الفارس
قلهم يا أهل الذلة منهو ليه اينافس
خنقة سواها بيهم حتى الهوا حابس
ما غير الصارم يقطع بيهم رمح غارس

زلزلهم ابحملته وافي صادق نيته حامي للاسلام
بس العطش ذابحه ومنه الدما راشحة عود للخيام

وصل خيمة بو سكيمة منه الثغر باسم
صيدي يا بويه زاخر راوي ابدا الصارم
لوح سيفي وقتهم وأهوى باين غانم
لتقوى اطلب شره قلبي بعطش صارم

قله العذب وين إلي مثلك ظامي يا علي ولساني ذبلان
اقصد إلى الربتك تنظر ترى جيتك أمك بالصيوان

ثمرة افاده انحر للمعارة
موقف ايفت القلب قرة العين
بو علي ابلهفة بانتظاره
يخطفه حتفه يفقده حسين

شايل ايده ويدعي ربه يا إلهي اشهد
منطقه و خلقه اويا شكله و ماكو مثله أحد
بارز الهم هالغلام الـ وصفه چن محمد
احنالو اشتقنا النبيك له نظرنا يمتد

واقف ابياب الخيم من حنينه
العبيدي بن منقذ اجا يمه بالسيف
تهمل ابكثره حمرة عينه
لنه ايطبره ويلي يا حيف

خر على رقبة جواده منه نزهه عارم
هذا يطعن هذا يضرب ضنوة الهواشم
اغشى عين الفرس وألوى بوسطة الصوارم
قطّعوا جسم المشيم وغابت العلايم

ارتطم خده بترب حامي الى الخيمة النظر رامي
جدي اسقاني بعذب كاسه ينادي و صعّد انفاسه
رفع صوته الأبوه ايسلم ابتعبه
اجا مسرع ابوه و يعثر ابدربه

زينب اتشوف الاخو قاصد إلى المعارة
خبر اقليبي اشحصل يا مرشد الحيارى

اعذريني جا خبر فنتي على الغبرة وقع ابني
قلبي خر على الارض زينب علي الاكبر صفى مخضب
بيت حيدر دمع عينچ إليه صبي
طفى عمري وصعب أحياء و خذوا قلبي

نو الجناح اقبل اله وصله يمم لعقاب
من نظر حال الولد ذب روحه فوق لتراب

ضجة صارت بالسما حاله كسير وعلا بعواله اخذمه و دعا اقبل آيا ربي

جسمه ذبه اعلى اوليده وخط خده عالخده
شم نحره وقبّل راسه منه انخطف وجده
الله يساعد كل والد وقت اليفقد ولده
من يدفن بيده اوليده چنه انتزع چبده

بعذك يولدي العفا قلب الشامت بك شفى
عز البعد والجفا عمرك ذبل وانطفى
وقلبي تفتطر قلبك يا الاكبر

جر ونة وفاضت روحه الشابه طه الهادي
زينب چن وسط الحومة يا حسرتي اتنادي
جاهها حسين ايعاتبها ومنه الدمع بادي
قلبه ردي يا الحورا لا تقطّرين افادي

وشال الجسد بالتعب كل خطوة دمه انسچب
مده بوسط خيمته واتمدد ابصفحته
كثرة الجراحات ويعلّي ونات

نرفع الليلة الرجا واحسبنا
عشنا غربة ولا أحد حن علينا
لما بحضائك وا غريباه
يالاعلا شأنك يا ولينا

احنا ما عدنا وسيلة يا امام الاكوان
انتبه عنوان اقلبنا ويا حالاته عنوان
الاحبك يا حمانا يا دليل الإيمان
تروي من فيضك عواطف وانت عجة عطشان

مدرسة عز و ايا ضد الاجرام
للهداية بو علي نقرأ طفك
نقرأ بكتابك لجل الإسلام
من ندى ترابك نروي عطفك

ناخذ بقولك امامي نفتدي بالاكبر
كل دعانا اعلى طريقك ما يحدنا منكر
للقيادة والعقيدة نفتديهم نثار
نثبت ابخط الرسالة وللجهل ما ننجر

نقرأ بكتاب العلا الاقدس ضيا وجهك زهى اتنفس
مشهد انشوف ابأثر مشهد يمن اسمك صفي مخلص
على العالم ببو اسكينة وهب نوره
على مر الدهر متميز احظوره

من قرا اكتابك وجد يبن النبي الهداية
شلون عافر بالثره ترفع دمومه راية

توقف ابنص الحرب نقرأ لجل فرض الظهر عبرة
الحسيني اليتبعك لازم يادي فرضه وملازم
لنا ترسل امامي ونفتدي بفعلك
نهج جدك و فرضه عالوقت مثلك

ولما بديت الفرض وخصمك رمى بسهامه
لن سعيده الناصرك صدهم بكل شهامة

ضحى واتحقق اله الراده فدا نفسه الى القاده
نذف صدره بدما يا بو علي لجلك

مصحف للحق و التقوى وللثورة المنصورة
مصحف بالسيف اتطشر سورة بأثر سورة
لكن رغم اللي صابه ضل ساطي بحظوره
وزع آيات اعلينا شعت لنا بنوره

عايش بقى وما انذبح نهج العلا واتضح في مر الأجيال
من يتبعه ما خسر باجر بيقر النظر في يوم الاحوال

مصحف محكم بحكامه ولا هو سهل طيه
ناخذ قوله و نتقيد بأمر الوالي و نهيه
لو هو الظلم اياذينا بسمه انلوذ و فييه
لو ذبحونا ما نفى نبقى بشرف نحى

بسم احسين احنا يضل عايش ما يفنى الامل من فضله احرار
ندعيله في خدمته يقبانا في جبهته نصبح به انصار